



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Fundatio Monasterij Rohr.

urn:nbn:de:hbz:466:1-13591

fenforis sibi iniungentes, firmando per priuilegium ne fatale officium quasi beneficium suis posset hæredibus obuenire, nisi quamdiu forma dati super hoc priuilegij seruaretur, in qua sufficienter habetur expressum quid sine molestia præfata Ecclesiæ defensoribus sit reddendum. Igitur nos huiusmodi libertatem in pontificibus ac imperialibus *Rorenfis* Ecclesiæ priuilegiis munitâ reperientes, cum Nepos prædicti *Gebhardi* memoratus Comes *Menhardus* nouis & indebitis exactionibus contra priuilegia ipsum locum nimis turbaret intuitu diuinæ remunerationis, operam nostram ac adiutorium tantopere impendimus, quousque Comes præfatus quæcunq; exegerat indebitè, Deo nobis cooperante, cogeret restituerè, promittens, data dextera se locum ipsum de cætero non offensurum. Et hoc quidem iuste, quia nec ipse *Menhardus*, neq; ante eum frater suus *Bernherus* aliquo modo à nobis obtinere potuit, vt eandem aduocatum ei recognosceremus. Itaque in huius facti recordationem præsentem paginam scribi fecimus, quam vt libertas priuilegiata eidem Ecclesiæ iugiter perseueret sigilli nostri impressione roborauimus: annectentes intuitu Dei vt quæcunq; ab antecessoribus iuste collata possidet, ipsi rata permaneant, quandiu regalis ordo ad Dei laudem ibidem vigeat, addentes districtè in virtute Christi præcipiendo, vt idem ordo perpetuis temporibus immutabiliter ibidem seruetur & nemini regularis professionis in ipso loco facultas sit alicuius leuitatis instinctu discedendi sine Præpositi & congregationis licentiâ. Quod si discesserit, semel ac secundo commonitus, si non resipuerit liceat eiusdem loci Præposito canonicâ in eum proferre sententiâ. Et vt huius traditionis confirmatio maiori vigore roboretur, testes qui viderunt & audierunt apposui. *Gothfridus* maioris Ecclesiæ Præpositus, *Chuno* Decanus, *Vlricus* Archidiaconus de *Werde*. *Wernhardus* Archidiaconus de *Iudenprucke*. *Fridericus* Præpositus de *Orengarve*. *Fridericus* summus plebanus. *M. Robertus* Scholasticus. *M. Hugo*, *Vlricus* de *Sala* tunc obelarius. *M. Hermannus*, *Albertus* capellanus. Laici vero isti: *Rupertus Kargl*, *Carolus Marschalcus*, *Conradus Pincerna*. *Conradus* de *Schrodesbouen*, & frater suus *Wernhardus*, *Albertus* de *Ninge*, & frater suus *Otto*. *Wilhelmus*, & frater suus *Waltbinus*. *Gotschbinus* Iudex, *Conradus Granfel*, & frater suus *Carolus*. *Conradus* de *Lutenbach*. *Dietmarus* de *Wergruebe*. *Henricus Bidercappel*. *Rudegerus Theolonearius*, *Conradus* de *Wifind*. *Fridericus* Magister Coquinæ, *Hartovicus* Cellarius, & alij quamplures. Actum *Ratisbonæ* apud sanctum *Emmeramum*. Anno ab incarnatione Domini M. CC. VIIII. Indictione XII. XIV. Calend. Febr. Anno pontificatus nostri quinto.

Fundatio Monasterij *Robr.*

NOTUM sit cunctis Christi fidelibus tam successuris quam præsentibus qualiter ego *Henricus* Dei gratia *Ratisbonensis* Ecclesiæ Episcopus *Rorensem* Ecclesiam suscepi, & ad successores nostros Episcopos iuste legitimè ac piè tenendam, tuendam atq; fouendam transmisi. *Adalbertus* vir quidam nobilis tradidit publice ac legitime prædium suum quod *Rore* dicitur cum omnib⁹ appendiciis suis in manum meam super altare *S. Petri* astante clero & populo nostro: ea videlicet conditione, vt regulares Canonici secundum regulam beati *Augustini* ibi ordinarentur, quibus necessaria de prædictis rebus cõmuniter ministrarentur, & ipse supràdictus *Adalbertus* propter Christum pauper factus statim communem vitam ibidem aggressus est. Nos verò cum assensu & consilio cleri nostri *Brunonem* virum religiosum & industriũ eidem loco præfecimus, & modis qui tũc nobis occurrerunt locum ipsum honorauimus, & in posterũ amplius honestare & magni-

& magnificare decreuimus. Statuimus igitur cum fauore ac astipulatione omnium generali & intractabili sanctione, vt de cætero fratres *Rorenſes* Præpositum sibi oportet liberè & canonicè eligant, & terminum parochiæ suæ *Rore* superius, & *Rore* inferius & *Alenbach* cum suis pertinentiis. Sepulturam verò omnium de Episcopatu nostro qui eam sibi postulauerint liberè habeant. Decimamq; de laboribus propriis & animalibus nulli omninò debeant. Si quis & iam ex his qui de rebus Episcopij inbeneficiati sunt prædictæ Ecclesiæ *Rorenſi* beneficium suum voluerit tradere, liceat hoc cum manu Episcopi facere. Et nullus Episcopus præualeat hoc contradicere vel mutare.

Porro Aduocatum singularem prædictus locus nullum habeat, sed si forte maior causa concambij, vel quælibet alia emerſerit, coram Episcopo vel Cathedrali clero, aut etiam principali Aduocato si res postulat, agatur, terminetur, atque roboretur. Si quis verò Episcopus, quod absit, prædictam *Rorenſem* Ecclesiam perturbare, aut bona eius inbeneficare, aut iura immutare vel cassare voluerit fratribus eiusdem Ecclesiæ sedem apostolicam appellandi, & ad ipsam confugiendi, & ita à Domino & potestate *Ratisbonensis* Ecclesiæ discedendi libera facultas sit. Et vt hæc nostra constitutio & concessio indubitabilis perpetuis maneat temporibus, hanc inde cartam conscribi & sigillo nostro muniti præcepimus.

IN Nomine sanctæ & indiuiduæ Trinitatis. Ego *Heinricus* Dei gratia *Ratisbonen.* Episcopus, omnibus Christi fidelibus tam futuris quam præsentibus. Quia nostri juris & officij est omnibus nobis commissis debitæ sollicitudinis curam impendere; Nos quidem in *Rorenſi* Ecclesia propter petitiones & violentias aduocatorum, hætenus Aduocatum declinauimus, sed nunc ob iniuriam & insolentiam non solum extraneorum, sed etiam propriorum, mutato consilio Aduocatum assumere deliberauimus. Famuli enim eiusdem Ecclesiæ post prædas & contumelias in tantam audaciam proruperunt, quod etiam in mortem ipsius Præpositi conspirauerint: proinde nos vt illorum peruersitatem refrænemus, & cæterorum iniurias propulsemus, præfatæ Ecclesiæ Aduocatum assumptentes, formam ipsum eligendi & statuendi, sed & modum iuri ipsius præfigimus. Te igitur *Gebarde* ad quem nihil penitus de jure supra præfatæ Ecclesiæ aut possessionum illius aliquo modo respiciebat, vnanimi congregationis illius concilio & assensu ad tutoris & actoris officium & hoc pro remedio animæ tuæ, si tibi placet, assumimus, officium commendantes, non beneficium concedentes. Hoc autem officium nunquam hæreditario jure ad filios tuos, aut ad cognationem tuam descendat, sed nec ad te ipsum pertineat, nisi quousque Ecclesiam illam & quæ illius sint, fideliter & vtiliter tueri volueris, tu vel tua posteritas sub eodem tantum jure includenda. Quod si ad molestiam exactionum gratia quæstus deuiaueris, sit libera facultas Præposito deliberato consilio te amouere, & alium quem vtiliter prouiderit substituere. Annis autem singulis circa festum beati *Michaelis* placitum in cella, vbi Præpositus voluerit cum familia Ecclesiæ habeas, & si quid de compositionibus iniuriarum accesserit, huius rei tertia pars te contingat, & duæ fideliter Ecclesiæ reseruentur. In die verò placiti de collecta familia claustralis modius tritici & porcus ad æstimationem quadraginta nummorum, & quinque anseres, & decem gallinæ, & vna vna Medonis, & vna vini, & duæ cereuisiæ dentur, & de horreo fratrum equis bis sexaginta manipuli Auenæ ministrentur. Huic actioni interfuerunt præsentibus fratres *Adelbertus* Decanus, *Gothfridus* capellanus, *Wolferus* custos, *Gidungus* Magister Scholarum, *Heinricus* capellanus, *Pertadus* Cellarius, *Rupertus* de Canne, *Pertbold*